

BHAAN TUM AAGI'Ñ NA JAX JA'K TUM NUUKA'NDA' BHX

Gu Instituto Estatal Electoral de Nayarit, jir dhi' ka' gui' na jix bhai' ja buada' gui' na bhan jix mati' nar jaroi'dha' gu jax chu'm ma'nkam nap jich makia', na mi' kii' na pai' gu boi Country Club número 13, colonia versalles, mi' Tepic, Nayarit, México, dhi'ñi jir código postal ga'n 63138.

¿Jax jach ja duñia' gui' nap bhaan jix maati' nap jir jaroi'dha'?

Gui' na bhaan jix maati' nap jir jaroi'dha' nap jich makia', ja'pni ja'k jum duñia':

1. **Nam bhaan jum daasa' internetta'm gio nam jup jum dui'ñdha' kuenta na ba' jix bhaai'ka' nap bhai' titigia'.**
2. **Na ba' gu ja'tkam gui' nam mi' tu juan IEEN titigia' am gum u'uantuk.**
3. **Na ba' gui' nam mi' tu juan IEEN jich aagi'ñdha' no't tu' ka bii.**
4. **Nach ba' tu mattuda' bhai' jich paagina' am ja'p na gui' na jix chitbim.**

Gio ba', ja'pni ja'k up ki'n tu' jax jum duñia' gui' nap bhaan jix maati' nap jir jaroi'dha':

Na bhaan tum ja'kkulhdha', tum mattuda' gio tum gaaga' gu ja'tkam na mit ji'k bam dai nam jix chu juanak, dai na gu dhi' dhi matda' dai gu Instituto Estatal Electoral de Nayarit ki'n tu' jax dhuñia'.

No'p ap cham aa' na gui' nap bhaan jix maati' nap jir jaroi'dha' bhaan ki'n pui'ñi' tum duñia' nach jax ba kai'ch, jix bhai' nap pui' tii'ya' bhaan gu **artículo 65 mi' kam na pai' Tu Daaxix na jax ja'k jum Nuuka'nda' gui' na bhaan jix Maati' nar Jaroi'dha' gu jaxchu'm ma'nkam na mi'p Tui'ka' na pai' gu Ja'tkam nam gobierno bui tu juan**, piam jap mu jimia' na pai' kii' gu Instituto Electoral mi' na pai' gu Unidad Técnica de Transparencia, piam, correo ta'm dir na jir dhi'ñi:

informacion@ieen.org.mx

¿Jaxchu'm gui' nap bhaan jix maati' nap jir jaroi'dha' ap tu makia'?

Na ki'n pui'ñi tum duñiua' nach jax bam titda, bham tañia' am dhi'ñi nap bhaan jix maati' **NAM BHX JIX MAAT:**

1. **Na jax chii' gui' na jaroi' jix chitbim**
2. **Nat ji'x ba tum mamtux**
3. **Ji'k oidha' bia'**
4. **Jir tu'da'**
5. **Na pai'x maati' nat tu' jax ba duu**
6. **Nar jaxchu'm**
7. **Nam pai' mu tu mattu'nka' (dai gui' nar silhkam)**
8. **Na pai'x maati' nat ji'x tu' jax ba duu piam ba tu jua**

Sia, bhai'p jum tañia' ich gu **MATDA' JIX S'LHIMKAM** pui'na jax:

1. **Nap tu' tu bia'**
2. **Nap ji'k ganar gu tumiñ**



3. **Nap jax ja'k tu juan**
4. **Gui' na bhaan jix maati' nap jir jaroi'dha' nap bhaan mu bakia' internettam**
5. **No'p mi baax na pai' gui' nam tu'ka'm ja nii'n gui' nam cham bhai' tu'i'.**
6. **Ji'x mik ba bhii gio na jaxchu'm partido baax.**

Jum aagi'n am na chamtu' tum ta'nia' gu matda' NA JIX IO'M JIR JIX X'LHIMKAM (no' cham bhai'm bua ap gio gum bixchu').

Jix bhai'ch ja ulh'na' gui' nap bhaan jix maati' nap jir jaroi'dha', dai pui'ni ja'k jum du'nia' nach jax bam aagi'n dhi'ni ka'm dhi U'uan gio pui'ni ja'k na jax chu daaxix.

Na jax ja'k tum Nuuka'nda'

Jum aagi'ndha' am na gu Instituto mui' ja bia' na jax ja'k tu nuuka'n na ba' cham buam pix ja buada' am piam nam cham nai' tinini'ichu'nda'.

Dhi' na bhaan tum nuuka'n, pui' dhu'nia' am na dai gu partido politico piam ap nap jaroi' jix chitbim, dai jir dhi' ka' am na jaroi' jix bhaai'ka' nam tigia' gui' nam bhaan jix maati' nap jir jaroi'dha', cham do'fchukat na jumai ma'nkam mu ja tigia' no' ap cham aa'.

Gui' na bhaan tum nuuka'n, ja nuuka'nda' up mi' na pai' gu Informatica mi' kam Instituto Electoral de Nayarit.

Gui' na ki'n siispix

Na tu' ki'n jax jum du'nia' gu matda' na bhaan jix maati' na jir jaroi'dha' gu jaxchu'm ma'nkam jir dhi' ka' gio bhaan na jax chu daaxix gu articulos 4° mi' kam Pacto Federal; 17, 18, 19, 20, 25 mi' kam na pai' tu **Daaxix na jax ja'k jum nuuka'nda' gu Matda' na bhaan jix maati' nar jaroi'dha' gu jaxchu'm ma'nkam na jabui jup tu'i' gui' nam gobierno bui tu juan.** Gio pui' up mi' mia'n, na jax chu daaxix mi' articulos 4° fracciones II gio III; 17, 18, 19, 30, 35 gio 80 gio ba' BAIK GUI' NAX BHAAI' NA MAKAM JUM DU'NIA' mi' kam na pai' tu **Daaxix na jax ja'k jum nuuka'nda' gu Matda' na bhaan jix maati' nar jaroi'dha' gu jaxchu'm ma'nkam na jabui jup tu'i' gui' nam gobierno bui tu juan Nayarit kam.**

Na tum mattuda'

Jix matka' ap, nam pai'dhuk titisa'ndha' gum u'uantuk gio gui' nap bhaan jix maati' nap jir jaroi'dha' bhai' internetta'm na pui' chii' Conóceles, na pai'dhuk gui' nam mi' IEEN tu juan ba tigia' am na jir am gio na cham tu' bi'iix, gio no' pich ap mi pirmaaru nap jix aa' na gui' nap bhaan jix maati' nap jir jaroi'dha' jix bhaai'ka' nam biix pix chigia', tu mattudidha' ich dhi' dhi matda' bhai' paaginagaram gu Instituto nam ba' ja tigia' biix nam ji'k titbichu', nam ba' gu ja'tkam jix matka' nap tu' jax dhu'nia' na ba' jum palhbuidha'.



Na jix bhai' jix maati'ka' gui' na bhaan jix maati' nar jaroi'dha' gu jaxchu'm ma'nkam.

Na jax ja'k ji chum busnia' bhaan dhi matda' na pich jich maa, mu tum jotsa' na pai' gu Instituto Nacional Electoral nam ba ba tigia' na jax ba tum duñiim na xi chum bhotaarum mi' mia'n nam ba' dhi' bhaan ba tu ja'kkulhdha', da nam gu cham matka nar jaroi'ga'n dhi matda' nach mu tu jotsa'.

Bhai'm nam pai' jum dansa' Gui' nam jix chitbiak, Conóceles, bhaan jix bhaai' nam machia' gu ja'tkam nam jaroi' titbichu' na xim gø'gertam, gio nam tu' aa' nam jax dhuñia'.

Gui' na tu a'mkam ñiok na pui'm tiiti' ARCO

No'p ap cham aa' na tu' ki'n jax dhuñia' gui' nap bhaan jix maati' nap jir jaroi'dha' piam nam bhai' pup ulhñixka' Instituto, jir am nap bha tu tañia' mi' na pai' gu Unidad Técnica de Transparencia, nap mu jimia, nap mu tu ñiokdha' piam correota'm.

Matda' mi' kam Unidad Técnica de Transparencia

Bhajan dhi' na ya' jum a'ga, jir am nap mu jimia no' pich tu' cham maati' kai piam no'p jix chitikkam nam jax ja duñia' gui' nap bhaan jix maati' nap jir jaroi'dha', gio gur ap dilh ga'n gu matda':

Na jaroi': Lic. Laura Liliana Lyle Bañuelos

Na pai': Avenida Country Club 13, Colonia Versalles, Tepic, Nayarit, México. CP.63138 **Teléfono:** 311-2103233/34/35 Ext. 116

Correo electrónico institucional: informacion@ieen.org.mx

Na makam jum duñia' gu u'uan na pai' tum aagi'ñ nam jax ja'k tu nuukda'

No' ampik kat makam jum duu Gui' na bhaan tum Aagi'ñ na jax ja'k tum nuukda', bhai'dhir mu tum aaga' na pai' dhir mu tu mattu'n gu Instituto Estatal Electoral de Nayarit, bhai' na pai' "Transparencia" mi'dhir ba' "Aviso de privacidad", piam bhai' silh na pai' dhi'ñi
<https://ieenayarit.org/transparencia/especificos>

